

Livel: C

Plata de laur por l'ejam a usc

Tëmp por s'arjigné ca: 10 menüc

L'ejam a usc é partí sö te döes perts: te na pröma pert ciafëise n test ladin da lí y da capí cun cater domandes da arjigné ca por la secunda pert, la conversaziun a usc. Tla conversaziun a usc respognëise ales domandes y la comisciun pó ciamó Ves fá n valgönes domandes lëdies lapró.

Jí a crëp inier y incö

- 1 Dandaia gnô le jí a crëp odü cun na certa desfidënza. La Dlijia ê plütosc critica ti
- 2 confrunc de chësta sort d'ativité y insciö ince gran pert dla jënt. Tröc aratâ che le jí a
- 3 crëp ne foss nia ater co na vertora da s'un sciampé dal laur y da trá ia tëmp. Da ziplé
- 4 ê le davagn sigü! I proi dijô che la porsona n'á degun dërt da riscé la vita por nia y da
- 5 fá sté cun fistidi geniturs y amisc.
- 6 L'alpinist de Gherdëna Batista Vinatzer cunta che avisa porchël ne s'essel mai infidé
- 7 da passé fora por paisc cun na corda söles sciabes y al se recorda dla gran tëma
- 8 ch'al â albü dî alalungia. I alpinisc gnô ince criticá deache súa pasciun i condejô
- 9 sovënz demez da ciasa, val' iade por plü dis, y insciö spaterlâi düc i scioldi davagná
- 10 cun gran fadia.
- 11 Sce zacai daurî na via nöia sö por n crëp gnôl scrit sö. Degügn ne podô mintí o
- 12 s'inventé valch, deach'al bastâ da ti jí do ai agüs tl crëp por gní lassura sc'al ê vëi
- 13 che zacai s'â trat sö chiló o dailó. Tert o adora gnôn dagnora sura sce un s'â ma
- 14 arpizé cun les parores.
- 15 I mënacrëp plü de tëmp cunta che do la Secunda vera dl monn á la tecnica y les
- 16 massaries fat n gran vare inant. Vëi él che aldedaincö él cotan plü saurí, no ma da
- 17 arpizé, mo dantadöt da assicuré zacai. Denant messân ciamó tigní n compagn cun la
- 18 forza di brac. Al bastâ püch por se ciafé n dër strüf y perde l'ecuilber; chësc ne
- 19 sozed sëgn nia plü. Le jí a crëp é diventé cotan plü sigü.
- 20 Ci che é gnü peso é le numer de chi che vá a crëp. Aldedaincö él sön Saslunch, sön
- 21 les Fermedes o sön i Ciampanis dl Sela tan de jënt ch'al pé da ester sot les Lauben
- 22 a Balsan.

1. Co odô pa la jënt da plüdadî le jí a crëp?

2. Ciodí gnô pa i alpinisc criticá?

3. Ci s'á pa mudé tl jí a crëp?

4. Ci minunga ëise pa Os sön le sport estrem?